

MEKANE IGRAČKE



PRAVNI OSNOV

Igračke se mogu staviti na tržište Bosne i Hercegovine samo ako su sigurne u skladu sa **Zakonom o općoj sigurnosti proizvoda** („Službeni glasnik BiH“, broj 102/09).



PRIMJENJIVI STANDARD

Mekane igračke se smatraju sigurnim ukoliko ispunjavaju sigurnosne zahtjeve propisane u bosanskohercegovačkom standardu BAS EN 71-1+A1:2019 Sigurnost igračaka - Dio 1: Mehanička i fizička svojstva. Ovaj se standard primjenjuje na igračke za djecu, pri čemu se igračkom smatra svaki proizvod ili materijal projektovan ili namijenjen, isključivo ili ne, za igru djece mlađe od 14 godina. Za potrebe ovog standarda, igračke mekog punjenja jednostavnih karakteristika, a namijenjene za držanje ili maženje smatraju se namijenjenim djeci mlađoj od 36 mjeseci.



ODAVEZE POSLOVNIH SUBJEKATA

Poslovni subjekti, koji mekane igračke stavljaju na tržište Bosne i Hercegovine, moraju osigurati da mekane igračke ispunjavaju zahtjeve koji se odnose na označavanje, informacije za potrošače, uputstvo za održavanje ako je primjenjivo i sigurnosne zahtjeve.




OZNAČAVANJE

Igračka koja se stavlja na tržište mora biti deklarirana. Deklaracija treba da sadržava najmanje sljedeće podatke:

- Naziv proizvoda - naziv pod kojim se proizvod prodaje;
- Tip proizvoda ili model proizvoda;
- Naziv i punu adresu proizvođača, a za uvozne proizvode naziv i sjedište uvoznika;
- Zemlju porijekla.



INFORMACIJE ZA POTROŠAČE

Ako je moguće razumno pretpostaviti da bi roditelji ili druge osobe koje nadziru dijete smatrali da je igračka namijenjena djeci mlađoj od 36 mjeseci zbog njene funkcije, veličine ili obilježja, nije dopušteno navođenje upozorenja „Igračka nije prikladna za djecu mlađu od 36 mjeseci” ili „Igračka nije prikladna za djecu mlađu od tri godine” ili upozorenje u obliku sljedećeg znaka 

Drugim riječima, navođenje upozorenja zbog izbjegavanja sigurnosnih zahtjeva za igračke namijenjene djeci mlađoj od 36 mjeseci nije dopušteno.

UPUTSTVO ZA ODRŽAVANJE

Preporučuje se da sve tekstilne igračke namijenjene djeci mlađoj od 36 mjeseci budu popraćene ili označene uputstvom za čišćenje. Ako su date upute za čišćenje, navedena metoda ne smije ugroziti usklađenost igračke sa sigurnosnim zahtjevima nakon primjene.



SIGURNOSNI ZAHTEVI

Sigurnosni zahtjevi (mehanička i fizikalna svojstva) za mekane igračke uključuju zahtjeve koji se odnose na:

- Čistoću materijala;
- Oštre rubove i vrhove;
- Male dijelove;
- Čvrstoću šavova.

Sigurnosni zahtjevi se provjeravaju laboratorijskim ispitivanjem u ovlaštenoj laboratoriji, a kojim se utvrđuje jesu li ispunjeni svi propisani zahtjevi za mekane igračke.